





AMER COLL





Digitized by the Internet Archive
in 2017 with funding from
Wellcome Library

<https://archive.org/details/b29311342>

CONCERTATIO MEDICA
DE FEBRE PYFERPERALL,

QVAM

PRO GRADU LICENTIATVS

OBTINENDO ,

AVSPICE DEO ,

ET PRAESIDE D. D. IOS. HIPPOLYTO

VNANVÆ

ANATOMES PROFESSORE ,

SUSTINEBIT

REMIGIVS SARRIA, BACCALAVREVS

MEDICVS, REGI ANATOMES AMPHITEATRI

ALVMNVS ,

IN REG. AC PONTIF. DIVI MARCI

ACADEMIA .

DIE

APRILIS ANNI

cloccclxxxix.

LIMAE TYPIS DOMVS ORPHANORVM,

Ea neque addicta alterutri opinioni sunt, neque ab utraque nimium abhorrentia, sed media quodammodo inter diuersas sententias. Quod in plurimis contentionibus deprehendere licet, sine ambitione verum scrutantibus. Cels in Praef. pag. 12.

TITULARIS PHYSICA.

*Splendida Astronomorum , Pambamarchiensis
in monte Beatificatio, a solis radiis nubi
glaciali liquecenti immissis, fractis,
hincque repulsis, orta.*

Mirandum editissimo Pambamarchiae monte Academicis in Peruuiam missis se se obtulit phaenomenon : dies Antarcticis Populis illuscesebat Sole summa Antium iuga irradiante, cum procul resonantia auibus virgulta canoris Astronomos ad Auroraे contemplationem excitarunt. Erant his spissis vaporibus obsiti, qui sensim a Sole rarefacti occasum versus circum nubem glacialem glosmerabantur, in centro densam et superficie inequalem, in limbo rariorem, decemque hexapedibus ab spectanibus Physicis e regione semotam. Hanc dum illi attento animo intuentur, ecce miraculum ! Quisque velut in speculo umbram suam ad amussim depictam conspicit, caputque umbrae tribus aut quatuor arcibus redimitum, tanta lumen varietate, et fulgore micantibus, ut iam se relatum inter Diuos beatum aeterne futurum Iaetaretur. Placeat eos ipsos Mercurii nostri ore loquentes audire. „ Era esta una especie de Apoteosis en que viendo cada espectador adornada su cabeza de una gloria, ù aureola formada de tres ó quatro coronas concéntricas de un color muy vivo , cada una con las mismas variedades que el primer arco del Cielo, gozaba tranquilamente el placer sensible de reputar destinada a sí solo la brillante guirnalda que no descubria en los otros. „ Como al mismo tiempo que el Sol forma los enunciados Iris sobre los vapores que superan la cumbre de los Cerros , sus rayos , que embisten las nieves que rodean á estas, rechazados y des-

com-

, compuestos forman un trono de la misma hermosura, se debe creer que estos sitios son la imagen del Tabor (a). Bona si sua norint PERVENSES!

Incolas, auditio prodigo, de origine dimicasse ferunt, credentibus aliis Deum aliquem de coelo descendente gloriari in montem detulisse: vel Patrem Phoebum nouos hospites illis regionibus miratum salutatum venisse; aliis vero missam de coelo tantum Iridem fuisse, quae

Mille trahit varios aduerso Sole colores.

Quae ultima opinio veritati physicae congruit quam maxime. Etenim cum sub eadem linea Sol in horizonte oriuer, Physici in sublimi montis fastigio, nubis ad occasum reperiuntur: umbra spectatoris, radiis luminosis huius corpus a tergo ferientibus, proiecibatur in nubem, et veluti in speculo pingebatur distinctissime. Qui vero vtrinque per spectatoris latera radii in nubem directe incidebant, ab aquae guttis, in quas illa Solis calore sensim resolutebatur, non aliter refringebantur, et refracti reflectebantur, quam a nube rorida fieri solet, ARCUM PACIFERUM in aere effingente. Cur ergo arcus interior circulus integer; caeteri dimidiati respiciebantur? Cur extimus arcus albus; interiores vero miris coloribus variegati? Cur tres isti, omnes primarii? Cur eorum amplitudines, et colores crebro inconstantes? Cur quisque suam, non socii conspiciebat imaginem? Et cur denique quo incedebat spectator, eo coronata figura sequebatur? Apollinis Albionis Oraculum consultum ito.

(a) *Mercur. Peruano. Tom. 4 Pag. 23.*



TITVLARIS MEDICA.

PEBRIS PVERPERALIS, neque est nouum febris genus Antiquis ignotum: neque ab una eademque proficiscitur causa.

M Ulier enixa interdum febri laborat, symptomatis immiibus, causis latentiibus exitiali. Primis ut plurimum a partu diebus (1) horror prehendit puerperam, quem calor excipit ingens, pulsus intra minutum primum a nonaginta ad triginta et centum ictus assurgente. Accesio sudore suc-

ce-

(1) Pierumque secundo ad duodecimum usque diem post partum adoritur. raro ante fabrim lacteam. ratisime, si unquam, tertia vel quarta puerperii hebdomade praeterlapsa. Selle Pyretologia pag. 283. Incipit interdum ante partum, et in ipso partu. Burserius Inst. Pract. edit. in 4° t. 1 pag. 317. Ad laiuatas refero partum praeoccupantes.

cedente imminuitur, intermittentum, aut errantiarum febrium modo reuersura. Progrediente morbo accessiones confunduntur, idemque feroe indesinenter fatigat. Ex quo horror naturae bellum indixit, mirum quot se exserunt symptomata! aegra mens stupet, delirat, vel periculi nescia laetatur. Memini formosam puellam decima octaua morbi die, placide inter risus occubuisse. Deiciuntur vires, anxietas, nausea, vomitus, dolor in epigastrio, hincque ad alias partes protensus, abdominis inflatio (2), alui fluxus, conuulsiones, et nondum nobis sub coelo Limano visa exanthemata, caeteraque iunctis viribus impecaunt: vel ex alio aliud ferocius sobolescit, cicurandum difficilius, quam Lernae palidis septem capitibus occidenda HYDRA; et si HERCVLES clauam suppeditet, adsitque IOLAVS, candenti ferro malignum cruentum cohicens.

Interim lac, et lochia, notante LEACKIO (3), ex ordine fluunt. utrumque vero humorem supprimi, vel saltem imminui ad hoc usque expertus sum

(2) Symptoma febris puerarum essentiale, dolores, atque intumescensia abdominis. *Selle Med. Clin. Vol. 2. pag. 151.* Consentit Nathaniel Hulmius *A Treatise on the puerperal Fever.* Vidi nihilominus febre puerperali enectam, toto morbi decursu ventrem sine doloribus, et demissum habuisse, diarrhoea biliosa copiosa fluente.

(3) Burser. l. c. pag. 316.

sum. Quinimo lac, et lochia redeuntia pulsus pacatiore reddito, felix auspicium dedere (4). Et si acutorum ergo hic morbus decursum absoluat suum (5), nihil critici, nisi diarrhoeam habet (6); frequentius natura debellata, elusis artis viribus, miseranda genitrix fato concedit.

EDWARDVM STROTHERIVM primum fuisse fertur, qui descriptam aegritudinem opusculo anno 1718 Londini edito, depinxerit, *febrisque puerperalis* nomine donauerit (7).
Ab

(4) Licet alia symptomata videantur cessasse, si tamen pulsus persistat valde frequens, et celer, et non remittat febris pro ratione, haud fidendum sane est; nam breui ingrauescere, atque exacerbari tunc omnia solent. *Burs. l. c. pag. 322.*

(5) Intereunt autem aliae alio tempore, prout corpus, et affectio se habet. verum vnum ac vigesimum diem non excedunt; frequentius ita aecidit. *Hippoc. de Mulier. Morbis l. 1. c. 37.* Inde *Sydenhami spectatio* cum prima conamina eum sallabant, quia singulo quoque die curationis negotium magis magisque extra alea ponitur, et si aegra vigesimum diem superauerit, iam fere in vado est. *Dissert. Epistol.*

(6) Si ab ea pulsus tardior, rariorque eficitur, symptomata placantur; contra symptomatica est. *Hulmius.* In genere, quae intra tres primos partus dies prorumpit, lethalis; quae post septimum, aut nonum, deficienibus lochiis, vtilis esse consueuit. *Riuarius Praxis Med.* pag. 374.

(7) Quod si enim hoc nomen certae cuidam morborum speciei imponere velimus, optimo iure illa ita nuncupatur, quae ex peculiari, et puerperis tantum solemai conditione orium trahit. *Selle Pyretol.* pag. 284.

Ab eo tempore scriptores Medicis nouis obseruationibus, et conjecturis eius historiam illustrare, ornareque coeperunt; ingentes maxime rerum naturalium cultores Galli, et Angli homines. Utinam quantum luminis, et honoris scientias excolentes humano generi afferunt; tantum gloriae, et honestatis non detraxerint, antiquas Romani, et Carthaginensis imperii inimicitias ad internecionem ferentes! Hinc in aegritudinis natura, et causis statuendis diuersam sententiam sequutu, eo se animorum ardore gerunt, quasi de maris imperio tuendo ageretur. Cum haec per multa volumina, perque magnae contentionis disputationes a Medicis saepe tractatas sint, atque tractentur, subiiciendum est quae proxima vero videri possint (8).

Neque mihi invidiae, aut ignorantiae vertatur, si antequam cum vtrisque congregiar, FEBREM PVERPERALEM priscis prorsus cognitam fuisse aetatis affirmem; adeoque STROTHERIO nihil praeter nomen deberi. HIPPOCRATES equidem tum PHILINI, EPICRATIS, DROMAEDAE coniugum: tum seminarum mendacium foro, apud frigidam aquam, et in Cyzico ex partu laborantium, illis coloribus expressit, atque adumbravit icones, ut qui febres puerperales eas referre neget, has nunquam obseruasse, aut nunquam immortalia optimi senis scripta legisse, palam fateri teneatur (9).

Quin Veteres aegritudinis causas prosequuti sunt, et haud sine veri specie in utero colloca-
runt;

(8) Cels. in Praef. pag. 12.

(9) In Epidem. Chartier. t. XI. pag. 104, 106,
113, 249, 250, 252, 282, 308.

runt; quatenus ex partu quid in eo dilaniatum putrescit, vel lochia restringuntur. Monet GALENVS ton lochioon kenoosin antiquorum non de merae sanguinis evacuatione, sed cruentis infecti purgatione esse intelligendum (10). Eateor id semper non euenire; sed in regionibus calidioribus frequentius accidere, diu iam docuisse videtur Iudaeorum Legislatorem rerum magistra experientia. Iccirco auscultandi minime sunt Angli quidam Medici, veluti ex tripode Delphico, decernentes sanguinem de viero post partum scaturientem, aequa blandum, insomem aequa ac cruentem esse sauciatis de vasculis effluentem.

Quae tamen opinio cum in eorum animis alte insederit, non in viero; sed ducibus HVL-MIO, et LEACKIO in omenti, et intestinorum tenuium, gestationis tempore compressorum, inflammatione causam febris principem adesse contendunt. Quid enim aliud, inquiunt, demonstrat Anatomes, Cereris fax, qua occulti Microcosmi sinus irritantur? An ne in febre puerali extinciis, veterum illaesum, atque innocens; omentum vero, et intestina inflammata, pure suffusa, aut gangrena exesa patefecit? Sed horum virorum pace dicam, contraria ostendere SWIETENI, POVTEAVI, GASTELERI, FAVCKENI, aliorumque inquisitorum sectiones (11). obstat experientiam WHITEI viri Angli, qui in undecim puerperis febrim illam nullo sanguine misso profligauit (12); quod abs dubio

(10) Hipp. de Morbis Mulier. lib. 1. cap. 37...
63. Galen. Comment. in Epid. Chartier l. c. pag. 104,
282.

(11) Van Swieten in Boerh. aphor. 1329. Burs. 1.
c. pag. 300.

(12) Burs. l. c.

dubio fieri non potuisset, si dira tenerorum viscerum inflammatio causam morbum continentem praestituisse. Et cur praegnantes, potius quam enixaen eiusmodi inflammationem non patiuntur, cum sub illa conditione comprimantur omentum, et intestina; sub hac vero ab omni pressione libera sint?

Ita hercle eos criminantur GALLI, qui praeeunte LE ROY (13), cui suffragatur SELLE, Germaniae clarissimus Clinicus, neque a lochiis cohibitis, neque ab uteri intestinorumue inflammatione; sed a lacte in corporis intima tetropulso, et errante febrem deducunt. Quam sententiam multis, ut solent, argumentis demonstrasse confidunt. Summa tribus capitibus includam. I. Corpus muliebre filiis enutriendis destinatum suis, ita structum coagmentatumque est, ut quam primum concipit, humorem lacteum praeparet, vasculis lactiferis uteri, ab optimo ASTRUCIO detectis, secernendum, et in foetus alituram perficiendum (14). Edito partu, latex ille in mammas ascendit, atque implet perennes fontes proli futuras. Quod si casu aliquo contingat, ut lac aut non secernatur, aut secretum in sanguinem resfluat, neque interim lochia albicania a lacte regurgitante sanguinem purgent: necesse est magnas in corpore turbas excitari, Natura sine frustrata suo. Id meridiana luce conuincunt apoplexia, peripneumonia, tumores interni, et externi a metastasi lactea nascentia, et reliqui morbi, quibus afficiuntur matres, quae ubera non porrigit natis. Atque ex eo fonte puerperalem etiam febrem prouenire patet, quod immediate lactis retrogressionem sequatur, vel ea ineunte flaccescant mammae.

II.

(13) Premier Memoire sur les fievres aigues.

(14) Maladies des Femmes t. 1. pag. 12.

II. Reseratis cadaueribus a febre puerperali peremptarum, viscera abdominalia humore lacti corrupto simillimo suffusa conspiciuntur. Has lactis errantis effusiones existere probauit felicissima praxis Clari DOVL CETI, qui cum anno 1782 febres puerperales in Nosocomio Hotel-Dieu pestilentiae in modum saeuirent, quo et lactis reme-antis facias in abdomine concretiones, et effusiones vii eiiceret, futuras impediret, in ipso morbi insul-tu radicem ipecacuanhae exibebat, quo factum fuit ut luctuosae strages cessarent (15). III. Exercita-tissimos clinicorum, imo et totum genus humanum expe-

(15) Anno 1782 proxime elapso, cum febres puer-perales in Nosocomio Hotel-Dieu complures foeminas à partu corriperent, et cito necarent, quod ibi saepe accidit eb aerem fortasse noxiis aegrotantium halitibus contamina-tum, vt in Nosocomiis crebro fieri solet, nec ratio vlla in-ueniretur quae tantam morbi perniciem auerteret; Clarissimus DOVL CETVS utilissimam demum iis medendi methodum excogitauit, qua omnes, vt fertur, seruatae sunt deinceps. Nempe mox in ipsa morbi inuasione dabat grana quinde-cim radicis ipecacuanhae in duas doses diuisa, interuallo vnius horae cum dimidia sumenda. Repetebat remedium eadem dosi et ratione mane postero, siue imminuta essent symptoma, siue non. Redibat ad idem medicamenti ge-nus tertio, et etiam quarto, prout e re videbatur. Interuallis mixturam cochleatum porrigebat ex duabus vnciis olei amig-dalarum dulcium, vna syrapi althaeae, et granis duo-bus Kermes mineralis. Potuī vero dabat liberaliter decoc-tum seminis lini, aut radicis scorzonerae, syrupo altheae. edulcatum. Circa septimam vel octauam diem propina-bat eccoproticum, idque iterabat postea, prout opus erat, ter vel quater. Journ. de medec. t. 58. pag. 448. Burs. I. c. pag. 328.

experientia, ita lac repressum omnium calamitatum puerarum authorem esse conuincit, ut mammis turgescentibus laetentur quam maxime, rem in tuto esse positam credentes; contra flaccescentibus illis acerbo moerore tangantur. Haec sunt praecipua Gallorum momenta, in quae animaduertere oportet:

1. Vascula vteri lactifera, et foetus ex humore lacteo nutritionem, inter imaginationis figmenta a peritis Anatomicis numerari (16). Nec comprehenditur cur lac, liquor adeo dulcis, blandus, et corpori amicus, in sanguinem repulsus, et cum eo denuo circumiens, tam insolenter, et ferociter noceat (17). Cur enim id semper non efficit in iuencis diuitibus, quae venustatis conseruandae gratia, vbera non porrigunt natis ? Sed adsunt clarissimorum virorum obseruationes, quibus docemur extitisse febres puerperales, toto vehementissimi morbi stadio lacte libere, imo et vberius manante.

Quod hercle maximo argumento est: febrem illam perpetuo a lacte represso, aut remeante minime prouenire: tumores, similesque metastases, in quibus lac incusatur, lochiis supressis, vel lymphae acri redditae, et in tella cellulari huc illuc accumulatae, potius deberi (18): exque eo quod maiores

2.

(16) *Albinus, Haller, Caldan. Arzoguidius, Burs.* l. c.

(17) Si ergo lac non degenerauerit longiori mora in mammis, vel per febrem validiorem mutatum fuerit, non turbabit ullas functiones corporis dum sanguini denuo admiscetur. Si autem lac vtcumque degenerate ira perit ab humoribus sanis, facili negotio illud vitiosum per viinas aliasue excretiones expelletur. *Van Swieten* l. c. t. 8. pag. 284. edit. in 8^o.

(18) *Gerherdus Fauvarq. in Dissertatione de Lachiorum metastasi turbas quae primis a partu diebus ob-*

ad vbera propria filios alant, haud omnino praeservari ab iisce morbis, quibus non lactantes crucianuntur.
2. BVRSERIVS scientiae clinicae catissimus vir, anquisitis obseruationibus luce clarius ostendit, materiam purulentam lacti, et caseo similem saepissime abscesibus tam internis, quam externis reperiri, vbi nulla penitus aderat lacuis aberrantis suspicio (19). Flosculi ne isti caseati medio pure natantes principia sunt concretionis illius, vi cuius carnes animalium aqua maceratae, aut limpham coagulabilem sero solutam, in cristalla glaciari, spermati caeti aspectu et vsu simillima, tentamina nuperime instituta persuadere videntur (20)? 3. Latissimus campus hic patere fatur celeberr; MEKELIVS in errores hinc oriundos in Medicina animaduertendi, qui in practicis libris saepe occurunt. Saepius mihi in praxi visum est, ab anniculis et medicastris absque fundamento lactis in sanguinem regressum, tanquam causam morborum fere omnium secundum illorum sententiam accusari, qui puereras post puerum infestant (21).

Quae quidein ab vtraque parte disputata, opinionum varietas, diuersas quoque medendi methodos induxit. Qui lochiorum suppressionem, et vteri inflammationem cum antiquis, aut intestinorum cum LEACKIO, causam morbi proximam

B

cons-

seruantur lochiis, que vero post febrem lactariam, lacti adscribit. Additque in metastasi lactis māmmas flaccere, in lochiorum aberratione turgere posse.

(19) L. c. pag. 295.

(20) The Nevv Annual Register, anni 1795. Philosophical Papers pag. 145.

(21) Burs. l. c. 294.

constituunt, iteratas vénæ sectiones commendant. Triste exemplum vidit HOFFMANVS (22). Qui-dem Archiater sexies modo ex brachio, modo ex pede intra septem dies sanguinem puerperæ missit. Sed sub ultimo fatali ictu caliginanti-bus oculis lethali lypothimia perit. Cadauere aperto, in toto vasorum systemate vix aliquot sanguinis cochlearia restabant. Huius exempli strenuos habemus imitatores. Qui contra cum WITEO putrefactiones tantum conspiciunt, religiosissime, ast non sine crimine, a venae sectione abstinent. Medium tenuere beati.

Ego vero quid in re, ut difficillima, sic etiam necessaria, experientia didiscerim, aut con-iecturis sim assequutus, paucis exponam. Quam primum concipit mulier spasmodica irritatione vterus eius afficitur, et mirabili illa sympathia, qua vel dissitas corporis partes in consensum trahit imprægnationis phenomena producit. Vis haec irritabilis, ut et sensibilis partus nixi-bus increscunt, nec nisi pacatissima mentis, et corporis quiete seruata, simulque lacte et lo-chiis ex oordine fluentibus sedantur (23). Ac-cedente igitur causa quavis statum illum irri-tabilitatis intendente, seu has functiones con-turbante spasmis vbique excitatis, febris nascitur.

Quum

(22) Hoffm. *Medic. Rat. Systemat.* Vel unica venae sectione in puerpera temere instituta, lethalis fuit Sy-denb l. c. Vide Svviet. l. c. pag. 316.

(23) Consuli meretur eximium opus *Medical Dictionary* a Motherry, et Wallis, Londini editum ann. 1795. verbo *Puerperilis febris*.

Quum autem conditiones physicae dispositiones a puerperio inductas comitantes, ut et causae occasionales ipsas lacescentes variae sub diversis circumstantiis existant; febres viisque, quae ex viratum congressu, veluti ex continentia causa proficiscuntur, nomine quidem plurimumque symptomatum similitudine vnae; specie attamen, immo et genere distinctae erunt.

Itaque obseruatur febris puerperalis. 1. inflammatoria, aura frigida incaute a puerpera suscepia, corpore existente puro, lacte, et lochiis subito cohibitiis: quae peritoniidem Anglorum, vel metritis veterum constituit, prout haec viscera gestationis, aut enixus tempore vexata stimulum prouocant, aut excipiunt, hicque titillando illuc sanguinem confluere sollicitat. 2. Putridae. a) a cacochylia gastrica gestationis mensibus, vel sub-puerperio, dietae abusu aggesta: b) a putridis miasmatibus aerem insipientibus, ut in Nosocomiis: c) a lacte in mammis alterato dein in sanguinem resorpto: d) a lochiis et secundinarum deliquiis cauo utero detentis, corruptis. Ab his omnibus sanguis conspurcatur, quam natura per uterum, via enixarum conferentissima purgare contendit; sed restrictis spastmo vasculorum ostiolis refluit humor ad extimam superficiem, ad tubas, ad intestina, ad peritoneum. Inde inflationes, torquina, diarrhae: inde quoque tumores, et inundationes lactae post mortem repertae. 3. febres compositae, et complicatae ex utroque genere, principio inflammationis signis apparentes, prouinusque in putridas conversae. Quae omnium communissimae habentur, et sunt.

Quae

Quae tria puerperalium febrium genera legitima nominanda sunt, quo distinguuntur sedulo ab aliis febribus de se minime puerperalibus, sed quae earum laruum induere solent. Huc speciant febres stationariae, in quas puerperae pronae sunt, veluti in biliosas Limae vere adulio pullulantes: febres etiam quae pregnantes confidere solent, et instanti partu veluti ignis sub cinere silent, donec febri lactea adoriente, huic implicatae ex exemplo exardescunt.

Cum ergo haec ita se habere experientia et ratione moneamus, plane constat FEBREM PVERPERALEM non esse singulare morbi genus ex eodem fonte vbicumque scaurientem (24). Itaque lites Anglos inter et Gallos intercedentes, aemulationis satiandae, et ingenii ostentandi causa vimbratiliter effictae videntur. Assentiendum ne illustri BVRSERIO FEBRES PVERPERALES gastricis includenti? Cur quanto partui proximus inuadunt, tanto seuerius saeuunt? quare matres, quae duodecim ab enixa horis vbera praebent infantibus, minus lactea febre, quam quae secundo, aut tertio die hoc opus commitunt, plecutuntur? Quando lac, et lochia suppressa, ut effetus; quando vt morbi causa habenda sunt? facilis ex dictis responsio.

Curationem quod attinet: irritationem et sensibilitatem excedentes compescere, a) causas morbi allegando, b) spasmis frenum iniiciendo, c) naturales denique aeconomiae animalis leges instaurando, hoc Medici munus dieta, et therapeutices auxiliis obeundum.

DI-

(24) Inde tam varius morbi decursus, ut notantem Witheo vix duo auctores reperiantur, qui eadem ratione hanc febrem descripserint.

D I E T A.

Puerpera, a) in cubiculo amplio, temperato, et sub obscuro degat: b) caueat animi perturbationes, et violentas corporis iactationes; sed prudenter residueat, et cito quoad fieri posset e lecto surgat, puerum vberibus applicet, fascias ventrem constringentes soluat, lochiorum et lactis fluxus reuocandi causa: c) munditiae summe stu-deat, et aer caute renouetur, cuius defectu in nosocomiis in pestiferos incident morbos, et infeliciter pereunt. d) Blandis verbis puerpera mulceatur. spes alit miseras; sed exulent custodes garrien-tes, et importunae visitationes, earum inpiimis muliercularum, quae balsamis litae, et aquis fra-grantibus lotae odores spirant. Facete MONTAGNVS: optima femina, quae non olet. e) Potus sit re-frigerans, diluens, ex hordeo aut sero lactis, ege-lidus sumendus: iuscula, quibus vtuntur nos-trae, oriza vel lactucis illis incoctis temperata, parca et repetita manu propinentur.

T H E R A P E U T I C E.

Status inflammati*o*ius. a) Intestina clystere emol-liente eluito: b) reserata vena, quantum opido satis erit, sanguinem mittit; si lochia tanum imminuta, ex pede; si ex improviso omnino-supressa, immania ad caput, pectus, vterum. simptomata, ex brachio. Iteranda ne sit, aut non? ex sanguine pariu amisso, pulsus, et dolorum cremento, morbi stadio, aliisque secundum ra-tionem indicantibus, prudenter discito. ne te fallat pulsus celeritas ab irritabilitate excitata. c) Aluum blande laxato. N. 1. N. 2: d) transpirationem moueto N. 3. N. 4: e) abdomen inungito. N. 5.

Status putridus. a) DOVL CETI methodum sequitur: b) corticem peruvianum mature exhibet: c) aetheris, vel spiritus vitrioli dulcis aliquot guttas instilla; si pulsus plenus, calor ingens: immo et ferocientium spirituum insignis domitoris, tincturae opii paucas guttas, modo ventrem totaliter non cohibeat. Pulsu vero existente debili, viribusque fractis, mixturam camphorae viatio. N. 6.

Monitum. In febris puerperalibus laruatis proposita remedia deseruiunt, praesertim vero iuuant harum ingenium exacte inquirere; quae enim eisdem sub aliis circumstantiis profuere, sub his quoque maxima utilitate adiunges, conditionibus pensitatis ex partu prouenientibus.

Obseruatio. Nuper in consilium CI. Clinorum, PRAECEPTORIS nimirum GABRIELIS MORENI, Doctor, VILLALOBOS, et EGOAGUIRRE, illustris Senatoris Coniugis curam gerentium, accitus fui. Haec, quae aspectu rubicunda, aetate et sanguine florebat, gestationis tempore tertianis duplicatis afflicta fuerat, venae sectionibus, et opiate corticis peruvianani ab ill. Masdebal commendata, saepius ab acutis Partu laborioso leuata, proximis diebus redidit tertiana illa, subdole puerperalem febrem simulans: duplicatis paroxysmis quotidie increscebat: caephalalgia, narium leui hemorrhagia, tumoribus duris, resistentibus, dolorosis, utrinque sub hypocondriis iacentibus stipata. A quibus omnibus venae sectione tribus vicibus instituta, clysteribus, prorritatis intestinis, et opiate denuo liberaliter exhibita, praeter spem incolumis Senatrix euasit. Opiatae vsu, ptisana antiphlogistica largiter superbibita, excretiones proliciebantur, et alios soluta tumores disparuerent, ac cibariis cene in colli arcubus.

cubus congestis, et induratis orti. Ast aegiae alteri, febre puerperali inflammatoria decumbenti, opiate vsus, sanguinis missione omissa, infeliciter cessit. Recurrentes paroxysmi. imposuerant Medico febrem de tertianarum genere esse. Adeo interest Clinici prius naturam morbi exquirere, quam eius moliri curationem!

FORMULAE MEDICAMENTORVM.

STILVS NOVUS

STILUS VETUS

Nº. 1

Rec. Olei Amygdalar. d.

s. i. r. e. vnc. ii.

Mann. Calabr. vnc. i.

Subige, sensim addendo

Decoct. emoll. vnc. iv.

M.

Dosis integra simul, aut
partitis vicibus propinet.

N. 2

Rec. Natri Vitriol. Sal. Mirab. Glaub.
vel

Magnesiae Vitriol. drac. i. . . Sal. Cathart. Amar.
multa aq. dilut.
repetat. 3ta vel 4ta
quaque hora, donec
alius blande expurgetur.

N. 3

Rec. Kali Acetati drac. sem. . . Terra Foliata tartar.

Vini Antimon. gut. xxx.

vel Antim. Tartar. gra. 4

Aq. distill. vnc i.

Syrup. de Althea dr. ii.

M. F.

M. F. Pot.

4ta, vel 5ta hora cum
largo ptisanae tep. haustu
exhibend. vt sudor eliciatur.

N. 4

Rec Aq. Ammoniae. Acet. . . . Spirit. Mindereri.
Aq. Menth. sativ. aa vnc. i.

M. f. haust.

cuius dos. cochlear i, aut ii.
in eundem usum (n. 3),
et eadem methodo.

N. 5

Rec Spirit. Ammoniae comp. . . . Spir. volat. sal.
drac. ii. Ammon.

olei cuiusuis emoll. vnc. i.

M.

N. 6

Rec. Camphor. drac. i.

Spirit. Vini rectif. gut. x.

Gumm. Arab. drac. ii:

tere simul, gradatim assun-
dendo Aq. vel Acet lb. i.

M. f Mixtur. . . . Iulepum a Camphora
Cochleatim exhibenda.

Nota. Collegii Londinensis Nomenclaturam (ob-
servations on the Pharmacop. 1788) Gallicae No-
menclature praefferimus, quoniam haec nescio
quid iniucundi habet, et admodum in Latio pe-
regrini.

CORRIGENDA.

<i>Pag.</i>	<i>Lin.</i>		<i>Lege</i>
3	1	pulus	pulsu
5	21	An' ne	Non ne
8	23	tella	tela
	33	Gerherdus	Gerhardus
9	10	maceratae	maceratas
10	2	Quidem	Quidam
11	22	deliquiis	reliquiis
	23	quam	quem
	28	diarrhae	diarrhoeae
	29	lactae	lacteae
12	23	die	dei
14	30	prorritatis	proritatis

--

